

Տ. ՀԱԿՈՐ ԶԱՀԱՆԱ ԽԱՉԱՏՐՅԱՆԻ ԱՆԴՐԱՆԻԿ ՔԱՐՈՋԸ՝ ԽՈՍՎԱՅ ԵՐԵՎԱՆԻ Ա. ՀԱԿՈՐ ԵԿԵՂԵՑՈՒՄ

(11 սեպտեմբերի, կիրակի, 1998 թ.)

*«... եւ աշխարհս անցանէ՝ եւ
ցանկութիւնն, իսկ որ առնէ զկամս
Աստուծոյ՝ մնա ի յաւիտեան»:*

(Ա Գովհանես Բ 17)

*«...քե՛ւ այս աշխարհը կանցնի և
քե՛ւ ցանկությունը, սակայն Աստուծո
կամքը կատարողը հավիտյան
կմնա»:*

Աստծո կողմից արարված և ստեղծված ամեն ինչի ժամանակավոր լինելու փաստը անժխտելի է եղել բոլոր ժամանակների համար: Ժամանակավոր բնույթ ունի թե՛ նյութականը և թե՛ աննյութականը, թե՛ կենդանականը և թե՛ մահ բանական մարդը:

Այս պատմական հենք ունեցող տեսակետի հետ համաձայնվում է մահ Ավետարանիչը, սակայն այն տարբերությամբ, որ մարդ արարածը կարող է իրենից թոթափել անցողականությունը և հավիտենական կյանք ունենալ: Այսպիսով՝ Գովհաննու կողմից արտաբերված հավիտենական կյանքի գոյության գաղափարը սուր հակադրություն է առաջ բերում պատմականորեն փաստված «ամեն ինչ դատապարտված է ոչնչացման» փաստարկի հետ:

Ինչպե՞ս կարող է գոյություն ունենալ հավիտենական կյանք, երբ անցյալի և մեր ամենօրյա փորձառությամբ տեսնում ենք, որ բոլոր արարվածների ժամանակավոր լինելու հետ մեկտեղ մահվան կնիքն իր վրա է կրում մահ մարդ արարածը, և մի՞թե այդ մահվան և ոչնչացման դեմ չեն բողոքել ժամանակի իմաստուններն ու փիլիսոփաները, թե ինչո՞ւ համար պետք է ոչնչանա թե՛ չարը և թե՛ բարին, թե՛ իմաստունը և թե՛ հիմարը, թե՛ պաշտոնյան և թե՛ ստրուկը, և մի՞թե այսօր մուսուլման բողոքողներ չկան այդ անհավասար մահվան դիմաց: Սակայն թեկուզև հարյուրապատկվեն և հազարապատկվեն այդ ջնդգզումներն ու բողոքարկումները, միևնույն է, աշխարհը և ամենայն ինչ անցողական են, մահվան և կործանման անողոք ժանիքները ի գործու են մխրձվելու յուրաքանչյուր բաբախող սիրտ և անշնչացնելու այն: Գիրավի, մահը անխուսափելի է, և մարդկային ոչ մի ուժ չի կարող պատենել մահվան այս ալիքը, որը հավասարապես ոչնչացնում է այն ամենը, ինչ որ արարված է և ապրում է այս արևի ներքո:

Գետնաբար, մարդու համար հավերժական լինելու գաղափարը երևակայության արդյունք կարող է դիտվել: Բայց առաքյալը հնարավոր է համարում մարդու հավիտենական կյանք ունենալը: Նա, հակառակ

պատմականորեն փաստված տեսակետի, վեր է բարձրացնում աչքերը և համոզված բարբառում՝ թե՛ այս աշխարհը կանցնի և թե՛ ցանկությունը, սակայն Աստուծո կամքը կատարողը հավիտենապես կմնա:

Այո, նա նույապես համաձայն է, որ անցողական բաներ կան, սակայն նա հաստատում է նաև, որ բաներ էլ կան, որոնք հավիտենական են և ժամանակային սահմանագիծ չեն ճանաչում: Բայց նա այդ անցողականների ու մնայունների զատորոշումը ոչ թե նրանց հարաբերական կարևորությամբ է որոշում, այլ իրենց ներքին բարոյական արժեքներով, այսինքն՝ հավիտենական լինելու որակով է տալիս նրանց, ովքեր քայլում են Աստծո կամքին համընթաց:

Մահվան խարանդը, տարիների և անցյալի թանձր մշուշը անկարող են ոչնչացնել այն անձանց, ովքեր հանրության խնդիրների բարձրացնողն ու դրական ավարտի հասցնողներն են հանդիսացել, ովքեր իրենց ուժային և մտավոր ծիրքերով եզակիություններ են համարվել ընդհանրության մեջ, և սերունդները նրանց հավերժացրել են: Այսօր թեպետև նրանք չկան ֆիզիկապես, սակայն վստահ եղեք, նրանք հավիտենապես ապրում են սերունդների հիշողություններում: Ժամանակը վախենում է եզիպտական բուրգերից, սակայն առավել ևս գլուխ է խոնարհում նման անձաց առջև:

Եվ արդ, եթե մարդկային ցեղը, որ Աստծո ստեղծագործության արդյունք է և հնարավորություններով սահմանափակ, կարող է հավերժացնել նման անձանց, ապա որքա՞ն ևս Աստված կարող է հավերժացնել այն անձանց, ովքեր ապրել են սուրբ և անբիծ կյանքով, ովքեր կամավորներն են եղել Իր կամքի: Նման մարդիկ ապրում են հավիտենապես՝ անկախ աշխարհի և աշխարհային ցանկությունների լինելիությունից: Աստված Իր կողմից հիշվածներին երբեք չի մոռանա, և չնայած այդ մարդիկ ֆիզիկապես ճանաչում են մահը, բայց երբեք չեն մահանում, այլ ուղղակի մահը նրանց համար մի օղակ է հանդիսանում՝ երկրային կյանքից տեղափոխվելու դեպի Աստծո կողմից պատրաստված երկնային հավերժական կայքեր:

Յետևաբար, սիրելի հավատացյալ ժողովուրդ, մեզանից յուրաքանչյուրին հավիտենական կյանք ունենալու հնարավորություն է ընձեռնված: Սակայն, ո՞րն է այդ հնարավորությունը, ձեզանից յուրաքանչյուրը արդարացիորեն կարող է հարցում անել այս պահին, և նաև՝ թե ո՞րն է իրական կյանքը, որը հավիտենապես ապրելու մախապայմանն է: Սիրելիներ, այդ կյանքը ոչ թե ամբողջությունն է մեր ապրած տարիների, այլ այդ թերևս բաղկացած լինի մի քանի օրերից կամ ամիսներից, որոնք հավիտենական արժեք են ներկայացնում, ճակատագրական այն վայրկյաններն են, երբ մենք ջանացել ենք ինքներս մեզ գերազանցել, երբ մեր հոգու վրայից վեր ենք բարձրացրել այն ծանր քարը, որի տակ բնակություն են հաստատել մեր աշխարհիկ սովորություններն ու մախապաշարումները, և Աստծո մեծ գուրգուրանքով Նրա կամավորներն ենք դարձել: Պահենք այդ պահերի գուրգուրանքը մեր սրտերում, քանզի մեր բուն կյանքը այդ պահերն են: Ուստի այսօրվանից և՛թ, սիրելի ներկաներ, կարգախոս դարձնենք մեզ համար Դավիանենսի Ա թղթի երկրորդ գլխի 17-րդ համարը, որ աշխարհը և նրա ցանկությունը անցողական են, բայց հավիտենապես կապրի Աստծո կամքը կատարողը:

Յետևաբար թող մեզ չվախեցնի այն փաստը, որ ուշ թե շուտ մենք էլ ենք կնքելու մեր մահկանացուն, այլ թող սթափեցնի և պարտավորեցնի, որ ավելի ու ավելի փորձենք իմանալ Աստծո կամքը և ապրենք համաձայն նրա, քանզի ով կատարում է Աստծո կամքը, հավիտյանս պիտի ապրի, որովհետև իր կյանքը

ձևակերտել է Աստծո կամքի վրա՝ որը հավիտյան է և անվախճան: Եվ երբ վերին կոչը իրեն երկինք հրավիրի, աներկյուղ ուղևորվի դեպի հավիտենականություն:

Աստված թող օրհնի ամենքիդ և երկար տարիների կյանք պարգևի, սակայն երբևէ չունայնացնեք ձեզ շնորհված և ոչ մի օրը, սիրեք Աստծուն ձեր բոլոր օրերում և լցրեք այն ձեր աստվածահաճո գործերով և վստահ եղեք, որ Տվիչն ամենայնի երբեք չի մոռանա իր կամքը կատարողներին:

Կամոքն Աստծո քառասուն օրեր առաջ, օգոստոսի 30-ին, Ն.Ա.Օ.Տ.Տ. Գարեգին Ա Կաթողիկոսի տնօրինությամբ և Արարատյան հայրապետական թեմի առաջնորդական փոխանորդ Տ. Գարեգին արքեպս. Ներսիսյանի ձեռամբ, մեր Սրբություն Սրբոց Տաճարի խորանի վրա ծնրադրած քահանայական օծում և ձեռնադրություն ստացան Սևանի դպրանոցն ավարտած և վերջին՝ վեցերորդ լսարանը էջմիածի Դոգևոր ճեմարանում ուսանած ութ սարկավագներ և նրանցից մեկը՝ Կուսակրոն: Ձեռնադրվածների թվում էի և ես՝ Տ. Դակոբ քին. խաչատրյանս:

Այսպիսի պատասխանատու պաշտոնի արժանանալու համար մեր երախտագիտության խոսքերն ենք հղում Ն.Ա.Օ.Տ.Տ. Գարեգին Ա Դայրապետին: Նրա սիրով և ջերմությամբ լեցուն հայրական ժպիտը վայելեցինք առաջին իսկ օրը, երբ Սևանի Վազգենյան դպրանոցից տեղափոխվեցինք էջմիածնի Դոգևոր ճեմարան՝ ևս մեկ տարի ուսումնառության համար: Մեկ, երկու տարիների ընթացքում թե՛ Նորին Սրբության դասավանդած առարկայից ու գլխավորած ժողովներից և թե՛ արտաբերած քարոզներից հասկացանք, թե ինչպես պետք է սիրել Եկեղեցին:

Երախտագիտության խոսքեր ունենք ասելու նաև երջանկահիշատակ Վազգեն Ա Կաթողիկոսի շիրիմի առջև, որի օրհնությամբ վերաբացվեց այսօր նրա անունը կրող Սևանի դպրանոցը: Նրա երազանքներից մեկն այն էր, որ տեսնի դպրանոցի գեթ առաջին շրջանավարտներին: Այսօր մենք, սիրելի Վեհափառ, մեր գլուխները վեր ենք բարձրացնում դեպի վեր, խոնարհեցնում մեր ծնկները և ասում, մենք հպարտ ենք, որ այսօր դպրանոցը կրում է Ձեր անունը, և Սևանի դպրանոցից դուրս եկած ամեն մի սան Ձեր կենդանի աղոթքն է այս աշխարհում:

Մեր ամենաջերմ և սրտաբուխ շնորհակալությանց զգացումներն ենք զեղում Արարատյան Դայրապետական թեմի առաջնորդական փոխանորդ, Սևանի Վազգենյան դպրանոցի վերատեսուչ և նորաօծներիս Դոգևոր ծնող Տ. Գարեգին արքեպս. Ներսիսյանի ոտքերի առջև: Նրա անկուտրոն կամքի և հարատև ջանքերի շնորհիվ վերաբացվեց և կայացավ Սևանի դպրանոցը, որի առաջին շրջանավարտներն ենք ձեռնադրյալներս: Նրա ամփոփական շնչի, հայրական խրատների և գավազանի ներքո աճեցինք և զարգացանք ուսումնառության հինգ տարիների ընթացքում: Տեսանք Սրբազան Դոր սերն ու գլուգլուրանքը, գայրույթն ու պատիժները, ներողամտությունն ու հաստատականությունը և ամասելի նվիրվածությունը դեպի Դայոց Եկեղեցին, դեպի Սևանի դպրանոցը: Եվ այդ ամենից ուղղակի և թե անուղղակի ազդվեցինք և որոշ գծերով նմանվեցինք նրան: Եվ ահա այսօր հավաստիացնում ենք Գարեգին Սրբազանին, որ այդ ամենը ջուր ընդ խողովակի չեն անցել, այլ ծառայել են իրենց նպատակին, և վաղը Գարեգին Սրբազանը հնձելու է այն սերմերի արդյունքը, որոնք ինքն է սերմանել մեր հոգիներում:

Շնորհակալության խոսքեր ունենք հղելու նաև Սևանի դպրանոցի մայիկին տեսուչ տիար Սասուն Վարդանյանին, նրան հաջորդած ներկայիս Կոտայքի

թեմի առաջնորդ Տ. Առաքել եպս. Զարամյանին և ներկայիս տեսուչ Տ. Մինաս քհն. Մարտիրոսյանին: Նրանք իրենց մնայուն լուծման ունեն մեր ձևավորման գործում:

Չեմ կարող անտարբեր գտնվել և ջերմ ու սիրալիր խոսքեր չիղել դասախոսական կազմին, ովքեր ծարավեցին, սակայն արբեցրին մեզ, ովքեր քաղցեցին՝ մեզ հագեցնելու համար:

Երախտապարտ ենք նաև Էջմիածնի Դոգևոր Գեմարանի տեսուչ հոգեշնորհ Տ. Դայկազուն Ծ. վրդ. Նաջարյանին, վերակացուներին և դասախոսական կազմին, նաև միաբան եղբայրներին: Այն ամենը, ինչ որ թերի ու անավարտ էր մնացել Սևանի Վազգանյան դպրանոցում ուսումնառության շրջանին, նրանց պատրաստակամությամբ և սիրով փորձեցինք լրացնել:

Սեծապես երախտապարտ ենք նաև Սևանի Վազգանյան դպրանոցի բարերարներին, որոնք իրենց նյութական կարողություններից մի մեծ բաժին հատկացրել են դպրանոցի հոգսերը հոգալու համար: Մասնավորաբար շնորհակալություններս եմ հղում իմ խաչի քավորին՝ տիար Նուպար Զեսուրյանին և նրա տիկնոջը: Նրանց զոհողությունները պարտավորեցնում են ինձ:

Ընդհակալություններս նաև Չեզ, շատ սիրելի ներկաներ: Աղոթեցեք նաև ինձ համար, որպեսզի հաստատուն և անկոտրուն մնամ կարգիս մեջ, որպեսզի կարողանամ լավ ճանաչել Աստծո կամքը և կամավորագրվեմ Նրան:

Աստված օրհնի ամենքս. ամեն: